

D'n bal

D'r leet enne bal in 't water
heej schient als 'n lamp
tusse kroes en endegesnater
ochtenddamp

tusse de kwekkers die kwake
leet heej lekker allien
elke merge bij 't ontwake
moei te zien

vroeger waas heej enne ballon
ging steeds mar verder, umhoeg nar de zon
mar 'ie kwaam te dichtbeej, toen leep 'ie leag
veel op de grond langs de kant van de weg

dor hund die vals nar 'm bete
waas 'ie bijna verscheurd
zien rubber kalt en verslete,
vaal verkleurd

toen heej 't op woj goan geave,
zien touw dat leet los,
kwaam enne zomerwind neave
oet 't bos

heej bloos zichzelf op, heej oajemde in
tot enne bal, tot 'n hiel nij begin
kiek hoe heej blinkt, heej is prachtig rond
stuitert de ganse daag op de grond

heej rolde mar door, door, door
heej rolde mar door, door, door

d'n bal, ge huurt 'm ni klage,
heej ging met de stroem
als boei droemt heej alle dage
zienne droem

vroeger waas heej enne ballon
ging steeds mar verder, umhoeg nar de zon
mar 'ie kwaam te dichtbeej, toen leep 'ie leag
veel op de grond langs de kant van de weg

heej bloos zichzelf op, heej oajemde in
tot enne bal, tot 'n hiel nij begin
kiek hoe heej blnkt, heej is prachtig rond
stuitert de ganse daag op de grond

[Tekst en muziek: Jack Poels]

[cd 'Zilver', RHAM 2010]